

天台藏

大般涅槃經疏

第三冊

湛然寺
印行

款次甲子季菊月敬刊

第三册

大般涅槃經疏會本

板存四川成龍文殊院

大般涅槃經疏

第 三 冊

印行者 湛然寺

地址：台南市忠義路二段38巷8號
電話：(06)二二二八五一八
郵撥：〇〇三四二三〇——一聖禾帳戶

承印：祥光彩製版社
地址：台南市東豐路53巷31號
電話：(06)二二二五七三
二二二五七三
二二二五七三

佛 中華民國八
曆三〇一八
十年一月依普門會性老法師所藏木版原書影印一千部

大般涅槃經疏會本目錄 第三冊

二十	十九	十八	十七	十六	十六	十五	卷次經
十九	十九	十八	十八	十七	十七	十七	卷次疏
廿五	廿四	廿三	廿三	廿二	廿二	廿一	卷次會本
梵行品第八之六	梵行品第八之五	梵行品第八之四	梵行品第八之三	梵行品第八之二	梵行品第八之一	聖行品第七之四	北
梵行品之五	梵行品之四	梵行品之三	梵行品之二	梵行品之一	梵行品之一	聖行品下	南
2043 2013	1973 1919	1897 1870 1817	1769 1719	1665 1621			頁次

廿五	廿四	廿三	廿二	廿一
廿二	廿二	廿一	廿一	二十
三十	廿九	廿八	廿七	廿六
光明徧照高貴德王菩薩品第十之五	光明徧照高貴德王菩薩品第十之三	光明徧照高貴德王菩薩品第十之二	光明徧照高貴德王菩薩品第十一	梵行品第八之七 嬰兒行品第九 光明徧照高貴德王菩薩品第十之一
德王品之五	德王品之四	德王品之三	德王品之二	德王品之一 梵行品之五餘文 嬰兒行品
2487	2465	2365	2287	2191
				2141 2140 2124 2101

大般涅槃經疏會本卷十四之一第二十一

北涼天竺三藏 曇無讖 奉 詔譯

隋 章安 頂 法 師 撰

唐 天台 沙門 湛然 再治

清 天台 晚學 先照 分會

聖行品第七之四

聖行 品目下

○從善男子。是菩薩摩訶薩去。第二明慧行果。文

為五。一倡地名。二釋地義。三明地體。四明地用。五

結下地況土地初文者。

善男子。是菩薩摩訶薩。得是行已。則得住於無所

畏地。

舊明慧果得二地。謂無畏地。從初至六地。從七地至法雲。名自在王地。所以得二地果者。慧行斷煩惱。通道疾利。

今謂不然。且戒定兩行。不斷惑。通道鈍者。云何舊解。不動堪忍。皆是初地。一體異名。若其同。是戒定之果。何不二地。通至法雲。

今明只是一地。自在往生。乃是無畏用。不應更開。從善男子。若有去。第二釋地義者。

善男子。若有菩薩。得住如是無所畏地。則不復畏。
貪恚愚癡。生老病死。亦復不畏惡道。地獄。畜生。
餓鬼。善男子。惡有二種。一者阿修羅。二者人中。人
中有三種惡。一者一闍提。二者誹謗方等經典。三者
犯四重禁。善男子。住是地中。諸菩薩等。終不畏墮。
如是惡中。亦復不畏。沙門。婆羅門。外道。邪見。天魔
波旬。

此文與十地經合。彼解初地離五怖畏。今文亦然。
在名小異。意義則同。不畏貪恚下。無不活畏。無死
畏。不畏惡道下。無惡道畏。惡有二種下。無惡名畏。

亦復不畏沙門下。無大眾威德畏。無死畏。卽常。無不活惡道畏。卽樂。無惡名。卽淨。無大眾畏。卽我。具四德。無五怖。是故此地。名無畏地。

○從亦復不畏。受二十五去。第三名地體。文爲三。初出體所入位。次出體所證。三結。初文者。亦復不畏。受二十五有。是故此地。名無所畏。從善男子。住無畏地去。第二出體所證者。

善男子。菩薩摩訶薩。住無畏地。得二十五三昧。壞二十五有。善男子。得無垢三昧。能壞地獄有。得無退三昧。能壞畜生有。得心樂三昧。能壞餓鬼有。得歡喜三

昧。能壞阿脩羅有。得日光三昧。能斷弗婆提有。得月光三昧。能斷瞿耶尼有。得熱燄三昧。能斷鬱單越有。得如幻三昧。能斷閻浮提有。得一切法不動三昧。能斷四天王處有。得摧伏三昧。能斷三十三天處有。得悅意三昧。能斷燄摩天有。得青色三昧。能斷兜率天有。得黃色三昧。能斷化樂天有。得赤色三昧。能斷他化自在天有。得白色三昧。能斷初禪有。得種種三昧。能斷大梵王有。得雙三昧。能斷二禪有。得雷音三昧。能斷三禪有。得淫雨三昧。能斷四禪有。得如虛空三昧。能斷無想有。得照鏡三昧。能斷淨居阿那含有。得

無礙三昧。能斷空處有。得常三昧。能斷識處有。得樂
三昧。能斷不用處有。得我三昧。能斷非想非非想
處有。

此地得二十五三昧。名諸三昧王。一切三昧悉入
其中。卽是中道第一義三昧。總攝諸三昧。所謂俗
諦三昧。眞諦三昧。皆來攝屬。故得稱王。一諦三諦。
卽是其體。舊言二十五三昧。斷三界惑。故六地菩
薩。名無畏地。與羅漢齊。
今不用之。若二乘斷二十五有。得稱王者。可言其
齊。旣不是王。何得云齊。文云聖行者。諸佛所行。非

諸聲聞緣覺境界。何得云齊。又六地菩薩。斷三界惑。是通菩薩。非此文意。諸師謬用。全不相關。

釋二十五三昧。具如法華玄文。第四卷中。彼釋三十五名。具四悉意。雖二十五。無非是王。爲辨異故。立名不同。卽世界意。於二十五中。如日光月光等。卽爲人意。如不退心樂等。卽對治意。如常樂等。卽第二義意。一三昧。通皆四意。二明諸有過患。所謂三惑。一本法功德。卽修三諦三昧。三結行成。卽三昧成。入於初地。四慈悲破有。謂得入初地。卽能現於十法界身。徧入諸有。令他破有。古人釋此。全

無片意。

云

云

從善男子。是名去。第三結三昧者。

善男子。是名菩薩得二十五三昧。斷二十五有。善男子。如是二十五三昧。名諸三昧王。第二明慧行果文五。一倡地名。二釋地義。第三明地體所入位。體所證。結三昧王竟。

○從善男子。菩薩入如是等去。第四明地用。文爲二。初明力用自在。二明生用自在。初文三雙。一依正爲一雙。二自他爲一雙。三少多爲一雙。初文者。善男子。諸菩薩摩訶薩。入如是等諸三昧王。若欲吹壞須彌山王。隨意卽能。欲知三千大千世界所有

眾生心之所念亦悉能知。

依正一雙者。須彌是依。眾生心是正。

從欲以三千去。第二自他爲一雙者。

欲以三千大千世界所有眾生內於己身。一毛孔中。隨意卽能。亦令眾生無迫迨想。若欲化作無量眾

生。悉令充滿三千大千世界中者。亦能隨意。

自他一雙者。內他入己。化己爲他。

從欲分一身去。第三少多爲一雙者。

欲分一身以爲多身。復合多身以爲一身。雖作如是。心無所著。猶如蓮華。

少多一雙可見。明地用二。第一明力用自在竟。

○從善男子。得入如是去。第二明生用自在。文爲
一。二。初總生諸處。次別生處。初文者。

善男子。菩薩摩訶薩。得入如是。三昧王已。卽得住於
自在之地。菩薩得住。是自在地。得自在力。隨欲生處。
卽得往生。

總生諸處。卽十界處。次善男譬如去。明別生處者。
善男子。譬如聖王。領四天下。隨意所行。無能障礙。菩
薩摩訶薩。亦復如是。一切生處。若欲生者。隨意往生。
善男子。菩薩摩訶薩。若見地獄。一切眾生。有可得令。

住善根者。菩薩卽往而生其中。菩薩雖生非本業果。菩薩摩訶薩。住自在地。力因緣故。而生其中。善男子。菩薩摩訶薩。雖在地獄。不受熾然。碎身苦等。

別生處。卽是十界壞。須彌包世界。散合十方而不染。游處地獄而不苦。卽地之用。

從善男子。所可成就去。第五結下。況高者。

善男子。菩薩摩訶薩。所可成就。如是功德。無量無邊。百千萬億。尙不可說。何況諸佛。所有功德。而當可說。結下地。況上地。如文可見。問是諸菩薩。功德悉等。云何復有高下不同。舊云等中等。悉同無別。等中

不等。故復淺深。興皇釋云。橫論一地。具諸功德。豎論則有高下。橫豎亦復何定。亦如一物。推倒卽橫。捧起卽豎。云第三明慧聖行竟。

第一聖行。文爲二。先雙釋。次第行不次第行竟。

○從爾時眾中有一去。第二章歎經。經詮聖行。依教奉行。革凡成聖。故可稱歎。文爲四。一無垢歎教。二如來述歎。三迦葉自誓。四如來述誓。歎教爲二。先經家敘。次正歎教。初文二。先內德。次外儀。今初。爾時眾中。有一菩薩。名住無垢藏王。有大威德。成就神通。得大總持。三昧具足。得無所畏。